

Ա. Ա. ՄԱՆՔՈՆՑԱՆ. Էրզրում (Պատմաժողովրդագրական ուսումնասիրություն), Երևան, Հայաստան, ԿԱԱՀ հրատարակչություն, 1994, 180 էջ:

Վերջին տասնամյակում հայ պատմագիտական միտքը՝ ակտիվ ու տենդագին որոնումներ է կատարում Արևմտյան Հայաստանի էթնոժողովրդագրական հիմնահարցերի համակողմանի ուսումնասիրության ասպարեզում: Խնդրի էությունը ոչ միայն բարոյական, այլև արդիական-քաղաքական շնչադրություն է պայմանավորված:

Ներկայիս թուրքական պետական-պաշտոնական այրերն ու պատմաբանները հսկայական ջանքեր են դրժադրում ապացուցելու, որ Արևմտյան Հայաստանի բնիկ տերը եղել է թուրքական տարրը և իրը թե լուր ժամանակներում էլ թուրքական էթնոսը եղել է գերակշռող: Թուրքական պատմաբանների նմանօրինակ խեղաթյուրումներով լեցուն ժաշխատություններով՝ ողողված է ոչ միայն ռուս թուրքական, այլև Արևմտյան Եվրոպայի և ԱՄՆ-ի գրաշուկան Այս պայմաններում հայ պատմաբանների մեծագույն խնդիրն է գիտական բարեխղճությամբ վերհանել ու արխիվային անհերքելի նյութերով ու փաստերով ներկայացնել Արևմտյան Հայաստանի յուրաքանչյուր նահանգի ու գավառի վարչաէթնիկական պատկերն ու հայ ազգաբնակչության թվաքանակը, հայկական բնակավայրերի տեղագրությունը, էթնոժողովրդական բնական կամ արհեստականորեն սարքված տեղաշարժերը: Միայն այս եղանակով է հնարավոր իրական հակահարված տալ թուրքական հեղինակների բացահայտորեն չինձու, քաղաքական անարդար նպատակներ հետապնդող նկրտումներին: Այս առումով իրավ շնորհակալ աշխատանք է կատարել պատմական գիտությունների թեկնածու Աշոտ Մելքոնյանը, որը հրատարակել է էրզրում նահանգի վարչաէթնիկական նկարագրին նվիրված խիստ ուշագրավ աշխատություն:

Էրզրումի (Կարին) նահանգը, որը զբաղեցնում է Արևմտյան Հայաստանի զգալի մասը, հայոց պատմության մեջ ունեցել է իր բացառիկ նշանակությունը և դարեր շարունակ եղել է Արևմտյան Հայաստանի կարևորագույն տարածություններից մեկը: Ա. Մելքոնյանն իր աշխատության մեջ արխիվային նորահայտ փաստաթղթերի հիման վրա քննում և ներկայացնում է XIX դ. առաջին երեսնամյակին (1801—1830 թթ.) էրզրում նահանգի էթնոժողովրդագրական դործընթացները: Նա նշում է, որ Արևմտյան Հայաստանի, հատկապես էրզրում նահանգի, պատմաաշխարհագրական, ժողովրդագրական հիմնահարցերի առաջին ուսումնասիրողը եղել է XVII դ. հեղինակ Հակոբ Կարենցին, որի «Շինուած Կարնո քաղաքին...» ժամանակագրությունն ունի կարևոր աղբյուրագիտական նշանակություն: Այն իրավունք է տալիս եզրակացնելու, որ XVII դ. կեսերին ևս, այսինքն Արևմտյան Հայաստանի՝ օսմանյան նվաճումից մեկուկես-երկու դար անց, էրզրումի նահանգը և նրա հարակից գավառները առավելապես բնակեցված էին հայերով, իսկ թուրքական տարրը կազմում էր աննշան փոքրամասնություն: Սակայն հետագա ժամանակներում տեղի ունեցած էթնիկական տեղաշարժերի հետևանքով արդեն XIX դ. առաջին տասնամյակներին էրզրումի գավառները կորցրել էին բնակչության ազգային միատարրությունը:

Ա. Մելքոնյանն ընդգծում է, որ նախորդ դարերում օսմանյան կառավարողների կողմից զանազան լծակների օգնությամբ հայ բնակչության բնականոն աճի արգելակման, էթնիկական դիմահեղման երևույթները կրկնվեցին և նոր թափ ստացան նաև XIX հարյուրամյակի առաջին քառորդին: Թուրքական պետության՝ հայության պլանավորված նոսրացման և ոչնչացման քաղաքականության, 1806—1814 թթ. քրդական միջոցառման բախումների, Տրապիզոնի նահանգից լազերի մշտական հարձակումների և 1820—1823 թթ. պարսկա-թուրքական պատերազմի ժամանակ ազգաբնակչության բռնազաղթի ու կոտորածի հետևանքով հայ բնակչության թիվը զգալիորեն նվազեց:

Ա. Մելքոնյանը բազմաթիվ արխիվային և տպագիր աղբյուրների հիման վրա մանրամասն քննական վերլուծության է ենթարկում հայ ազգաբնակչության տեղաշարժերը 1829—1830 թթ.՝ կապված ռուս-թուրքական ռաբական պատերազմի հետ: Թուրքական բռնություններից խուսափելու նպատակով, շապսեղով գաղթի պաշտոնական թույլտվությանը, 1829 թ. հոկտեմբերին արդեն գաղթականների առանձին խմբեր էրզրումի, Բայազետի, Ալաշկերտի լիվաններից բռնում են գաղթի ճանապարհը, իսկ 1830 թ. մայիսի 15-ից սկսվում է էրզրումի, Բարեդդի, Դերշա-նի, Քոլիի, Սպերի, Վերին և Ներքին Բասենների, Թորթումի, Խնուսի գավառների հայ բնակչու-

Քյան զանգվածային զաղթը ղեպի ոռոսաց տիրապետության սահմաններ, էրզրումի նահանգից հայ զաղթականների ստվար խմբերը՝ թվով 7 հազար ընտանիք մի քանի ամիս հետո բնավորվեցին հիմնականում Ախալցխայի, Ախալքալաքի և Սալկայի շրջաններում։ Արևմտահայ զաղթականների որոշ մասը հաստատվեց Շիրակի դաշտի գյուղերում և Փամբակում։

Արխիվային բազմաթիվ փաստերի համադրությամբ Ա. Մելքոնյանը ձգարտում է, որ 1829—1830 թթ. Արևմտյան Հայաստանից զաղթել է ոչ թե 14 հազ. ընտանիք կամ 55—90 հազ. մարդ, ինչպես ընդունված է պատմական գրականության մեջ, այլ ընդամենը՝ մոտ 12300 ընտանիք կամ 74 հազ. մարդ, որից 9682 ընտանիք կամ 53 հազ. շունչ՝ Էրզրումի նահանգից։ Արևմտահայության զանգվածային զաղթը ունեցավ ծանր հետևանքներ, էրզրումի զրկվեց հիմնականում հայ առևտրականներից ու արհեստավորներից, անմշակ վիճակում մնացին հազարավոր հեկտար հողատարածություններ, Հարյուրավոր հայկական գյուղեր դարձան անմարդարենակ։

Ինչպես իրավացիորեն եզրակացնում է Ա. Մելքոնյանը, 1830—1831 թթ. սկսվեց մի լոր գործընթաց, որն ամբողջ XIX դ. և XX դ. առաջին տասնամյակներին դարձավ Արևմտյան Հայաստանի ժողովրդագրական զարգացման զլխավոր ուղղությունը։ Արևմտահայաստանի ապրեք զավառներից սկսեց հայ բնակչության հոսքը ղեպի Ռուսաստանի նոր սահմաններն ու մերձակա զավառները՝ Բասեն, Ալաշկերտ, Նախիչևան, Բայազետ, Ընդ որում հեղինակն ընդգծում է, որ Ռուսաստանին հարակից շրջաններում ազգային և սոցիալական ճնշումն անհամեմատ լույլ էր, և պետական սահմանն անցնելու հնարավորությունն ավելի մեծ. այդ պատճառով հայ բնակչության հոսունությունն արևմտաօսից արևելք ձեռք էր բերում քաղաքական երանդ։ Դեպի Ռուսաստան զաղթող արևմտահայ գյուղացիության բնակատեղիների մեծ մասն ընկավ թուրք և քուրդ մահմեդականների ձեռքը։ Անշուշտ, ձյմարիտ է հեղինակին այն դիտարկումը, որ արևմտահայության զաղթը որքան դառնաղետ հետևանքներ ունեցավ արևմտահայկական նահանգների ժողովրդագրական պատկերը խարխելու առումով, միաժամանակ նաև դրական նշանակություն՝ Արևելյան Հայաստանի և Անդրկովկասի այլ շրջանների տնտեսության զարգացման, հայկական բնիկ տարրը ամրապնդելու համար։ Քանզի հենց արևմտահայ զաղթականների ջանքերով շենացան Արևելյան Հայաստանի հարյուրավոր բնակավայրեր, էրզրումի զաղթականների ջանքերով աճեց ու զարգացավ նոր Ախալքալաքը։

Այսպիսով, Աշոտ Մելքոնյանի «էրզրում» աշխատությունը յուրը ներդրում է Արևմտահայաստանի էթնոժողովրդագրական հիմնահարցերի ուսումնասիրության գործում և հայ պատմաբանին ու հետազոտողին օգնում է խորությամբ ըմբռնելու ու լուսարանելու XIX դ. առաջին երեսնամյակին էրզրումի նահանգի վարչաէթնիկական պատմության կնճռոտ ու վիճահարույց մի շարք հարցերի ու հարցադրումների էությունը։ Որոշ հիմնահարցեր գիտականորեն հիմնավորված ու մեկնաբանված են միանգամայն նոր ու նորովի դիտակետից՝ շնորհիվ այն բանի, որ հեղինակն առաջին անգամ շրջանառության մեջ է դրել բազմաթիվ արխիվային փաստաթղթեր։

Ա. Մելքոնյանի աշխատությունը շահեկանորեն կարևորվում է նաև նրանով, որ հեղինակը ներկայացրել է էրզրում նահանգի զավառների քարտեզները, ինչպես նաև հավելվածը, որտեղ զավառ առ զավառ մեկ առ մեկ տալիս է հայկական բնակավայրերի ցուցակները։

Ցանկալի կլիներ, որ հեղինակը անդրադառնար նաև Արևմտյան Հայաստանի մյուս նահանգների վարչաժողովրդագրական նկարագրի լուսարանմանը և խնդրի ուսումնասիրությունը հասցնել մինչև 1915 թ. հայոց ցեղասպանությունը։

Այսօրվա առաջին բարձրագույն բովում և նորանկախ հայոց պետականության կերտման պայմաններում գրախոսվող հետազոտությունը զգալիորեն նպաստում է հայ հասարակական-քաղաքական մտքի՝ ղեպի տղզային արմատներ վերադարձին և ազգային մթնոլորտի հաստատմանը։

Ա. Ն. ԿԱՐԱՊԵՏՅԱՆ

Պատմական գիտությունների թեկնածու